

Na osnovu člana 7. Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini (Prečišćeni tekst) („Službeni glasnik Bosne i Hercegovine“, broj 29/18.) i člana 3. Odluke o raspisivanju Javnog oglasa za imenovanje člana Gradske izborne komisije Tuzla („Službeni glasnik Grada Tuzla“, broj 12/18.), Komisija za izbor i imenovanja, na sjednici održanoj 06.12.2018. godine, donosi

PRAVILA
za ocjenjivanje kandidata koji će pristupiti intervjuu na raspisanom Javnom oglasu za
imenovanje člana Gradske izborne komisije Tuzla, objavljenom 23.11.2018. godine u listu
“Oslobođenje” i na web stranici Grada Tuzle

I

Najkasnije u roku od 30 dana nakon isteka roka za prijavljivanje na Javni oglas za imenovanje člana Gradske izborne komisije Tuzla, objavljen 23.11.2018. godine u listu “Oslobođenje” i na web stranici Grada Tuzle (u daljem tekstu: Javni oglas), u skladu sa Uputstvom o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini (Prečišćeni tekst) („Službeni glasnik Bosne i Hercegovine“, broj 29/18.) (u daljem tekstu: Uputstvo), sa kandidatima za člana Gradske izborne komisije Tuzla (u daljem tekstu: kandidati), čije su prijave blagovremene i potpune, bit će obavljen intervju.

II

Komisija za izbor i imenovanja Gradskog vijeća Tuzla će, radi operativnijeg rada sa kandidatima, iz svojih redova formirati radnu grupu koju čine predsjednik Radne grupe i dva člana (u daljem tekstu: Radna grupa).

III

Radna grupa ima zadatak da, uz pomoć Stručne službe Gradskog vijeća, sačini listu pitanja za intervju sa kandidatima, koja se odnose na profesionalnu karijeru kandidata, sposobnost i spremnost djelovanja u timskom radu, sposobnost rada u stresnim situacijama, poznavanje Izbornog zakona Bosne i Hercegovine („Službeni glasnik Bosne i Hercegovine“, broj 23/01., 7/02., 9/02., 20/02., 25/02., 4/04., 20/04., 25/05., 52/05., 65/05., 77/05., 11/06., 24/06., 32/07., 33/08., 37/08., 32/10., 18/13., 7/14. i 31/16.). Lista pitanja iz predhodnog stava ove tačke Pravila, sačinjava se na dan održavanja intervjua, a najkasnije dva sata prije početka intervjua.

IV

Predsjednik i svaki član Radne grupe će tokom trajanja intervjua, za svakog kandidata ispuniti obrazac O-1, koji je sastavni dio ovih Pravila.

V

Svakom kandidatu će biti postavljeno 5 (pet) pitanja od kojih će se 2 (dva) pitanja odnositi na profesionalnu karijeru kandidata, sposobnost i spremnost djelovanja u timskom radu, sposobnost rada u stresnim situacijama (u daljem tekstu: opšta pitanja) a 3 (tri) pitanja će se odnositi na poznavanje Izbornog zakona Bosne i Hercegovine (u daljem tekstu: stručna pitanja).

VI

Predsjednik i svaki član Radne grupe ocjenjuju za svako pitanje kandidata ocjenom od 1 do 5. Predsjednik Radne grupe i svaki član Radne grupe ukupan broj bodova, koje je dobio svaki pojedini kandidat, dijeli sa brojem 5 (brojem pitanja), čime se dobiva pojedinačna ocjena predsjednika i člana Radne grupe za svakog kandidata pojedinačno.

Ocjene koje je dobio svaki kandidat od strane predsjednika i članova Radne grupe zbrajaju se, kako bi se dobila konačna ocjena za svakog pojedinog kandidata s tim da jedan kandidat može maksimalno dobiti 15 bodova.

Ukoliko dva ili više kandidata, nakon zbrajanja bodova, budu imali jednak ukupan broj bodova, prednost kod rangiranja ima kandidat koji je dobio veći broj bodova dobijenih za odgovore na postavljena stručna pitanja.

VII

O provedenom intervjuu sačinjava se zapisnik.

VIII

Radna grupa sačinjava nacrt rang liste kandidata, prema uspjehu postignutom na intervjuu i dostavlja je Komisiji za izbor i imenovanja, najkasnije 48 sati nakon obavljenog intervjua.


IX

Komisija za izbor i imenovanja razmatra rang listu iz predhodnog stava, te istu verifikuje na svojoj sjednici i sačinjava Izvještaj o provedenoj proceduri Javnog oglasa za imenovanje člana Gradske izborne komisije Tuzla.

X

Ova Pravila stupaju na snagu danom objavljivanja na web stranici Grada Tuzla www.grad.tuzla.ba.

Bosna i Hercegovina
Federacija Bosne i Hercegovine
Tuzlanski kanton
GRAD TUZLA
GRADSKO VIJEĆE
Komisija za izbor i imenovanja
Broj: 01-05-8455-2018
Tuzla, 06. decembar 2018. godine



PREDSJEDNIK KOMISIJE

Aleksandar Vujađinović
Dr.med.sci. Aleksandar Vujađinović

Obrazac za ocjenjivanje kandidata za člana Gradske izborne komisije Tuzla

ime i prezima kandidata za člana Gradske izborne komisije Tuzla _____

datum održavanja intervjua _____

r.br.	pitanje	ocjena 1-5	napomena
1.	opšte pitanje 1		
2.	opšte pitanje 2		
3.	stručno pitanje 1		
4.	stručno pitanje 2		
5.	stručno pitanje 3		

Kandidat ocjenjen prosječnom ocjenom _____
brojem (slovima)

Komisija za izbor i imenovanja Gradskog vijeća Tuzla

ime i prezime predsjednika/člana Radne grupe
(zaokružiti)

svojeručan potpis predsjednika/člana Radne grupe
(zaokružiti)